

Broj: U.D.01.3.2.-10284/17  
Sarajevo, 21.06.2017.godine

Na osnovu člana 44. Statuta, člana 70. Zakona o javnim nabavkama BiH ("Službeni glasnik BiH" broj: 39/14), Pravilnika o javnim nabavkama i preporuke Komisije za nabavku usluga Agencije za zaštitu, broj: 01-13.73-698-39/17 od 19.06.2017.godine, Uprava Društva na 104.elektronskoj sjednici održanoj dana 21.06.2017.godine, d o n o s i:

### ODLUKU O IZBORU NAJPOVOLJNIJEG PONUĐAČA

#### I

Ovom Odlukom vrši se izbor najpovoljnijeg ponuđača: „BH SIGURNOST“ d.o.o. Tuzla, u postupku nabavke usluga Agencije za zaštitu, **LOT 2- Nabavka usluge intervencije po dojavi alarma za 240 objekata**, sa ukupnom vrijednošću od **25.862,40 KM bez PDV-a, odnosno 30.259,00 KM sa PDV-om.**

#### II

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originalni ili ovjerene kopije.

Cijeneći specifičnost usluge čuvanja imovine čije pružanje je neophodno početi odmah u svim kantonima, izabrani ponuđač je dužan u roku od 5 dana od dana prijema ove odluke obavijestiti Ugovorni organ o identitetima podugovarača za kantone u kojim nema registrovane poslovne jedinice, te da u naprijed navedenom roku od 5 dana za podugovarače dostavi dokaz o registraciji kako je to propisano tačkom 7.2.2. pod a) tenderske dokumentacije i dokaze predviđene članom 45. Zakona o javnim nabavkama kako je to propisano tačkom 7.1.3. tenderske dokumentacije ovog postupka javne nabavke, a prije nego Ugovorni organ uzme u razmatranje i da svoju saglasnost na podugovarače u skladu sa članom 73. stav 3. Zakona o javnim nabavkama.

Ukoliko Ugovorni organ odobri podugovaranje, od izabranog ponuđača će biti zahtijevano da prije početka realizacije podugovora dostavi ugovornom organu podugovor zaključen sa podugovaračem, u skladu sa sadržajem iz člana 73. stav 4. Zakona o javnim nabavkama.

### OBRAZLOŽENJE

Na osnovu Odluke o pokretanju postupka javne nabavke usluga Agencije za zaštitu br.U.D-01-3.2-1668/17 od 26.01.2017.godine, Komisija je provela ponovljeni postupak javne nabavke, putem otvorenog postupka za LOT 2- Nabavka usluge intervencije po dojavi alarma za 240 objekata, sa objavljivanjem Obavještenja o nabavci 238-1-2-376-3-101/17 od 22.05.2017.godine na Portalu javnih nabavki.

Predmetna nabavka se odnosi na ponoljeni postupak LOTA 2, i to:

- **LOT 2 - Nabavka usluge intervencije po dojavi alarma za 240 objekata**



Na Protokol Društva do roka određenog za prijem ponuda (16.06.2017.godine do 12:00sati), pristigla je ponuda slijedećeg ponuđača:

GENERALNA DIREKCIJA

**LOT 2. za nabavku usluge intervencije po dojavi alarma za 240 objekata:**

1. „BH SIGURNOST“ d.o.o. Tuzla , Bosne srebrene bb, 75000 Tuzla

S obzirom da je tačkom 6.1. tenderske dokumentacije propisano da će se u ovom postupku javne nabavke provesti e-aukcija na Portalu javnih nabavki, te kako je komisija utvrdila da je za predmetnu nabavku pristigla jedna prihvatljiva ponuda, u skladu s Pravilnikom o uslovima i načinom korištenja e-aukcije („Službeni glasnik BiH“ broj 66/16) se nisu stvorili uslovi da se ista zakaže.

Komisija je, nakon završenog otvaranja ponuda, pristupila analizi i utvrđivanju validnosti prispjele ponude, te konstatovala slijedeće:

**LOT 2. za nabavku usluge intervencije po dojavi alarma za 240 objekata**

1.Da ponuda ponuđača „BH SIGURNOST“ d.o.o. Tuzla, sa ukupnom vrijednosti ponude, bez uračunatog PDV-a u iznosu od **25.862,40 KM**, ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički prihvatljiva.

Na osnovu navedenog činjeničnog stanja, rang lista ponuđača koji je ispunio kvalifikacione uslove je slijedeća:

Red. broj	Naziv ponuđača	Ukupna cijena ponude bez PDV-a, (KM)
1	„BH SIGURNOST“ d.o.o. Tuzla	25.862,40 KM

Obzirom da ponuda ponuđača **BH SIGURNOST d.o.o. Tuzla** u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove tj. zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u postupku nabavke usluge Agencije za zaštitu, LOT 2- nabavka usluge intervencije po dojavi alarma za 240 objekata, da se izvrši dodjela navedenom ponuđaču, kao najpovoljnijem, a koji je ponudio najnižu prihvatljivu ponudu, koja iznosi **25.862,40 KM bez PDV-a, odnosno 30.259,00 KM sa PDV-om.**

Cijeneći navedeno, donesena je Odluka kao u dispozitivu.

**PRAVNA POUKA:**

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 10 dana po prijemu odluke o izboru shodno članu 99. i članu 101. Zakona o javnim nabavkama i to radnim danima u radno vrijeme.

Dostaviti:

- Služba unutrašnje zaštite (Nosilac posla)
- Sektor za EKF
- Marketingu (za objavu)
- Stručni tim za J.N.
- a/a

GENERALNI DIREKTOR

mr.sc. Mirsad Mujić



"JP BH POŠTA"d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba